


DEN AMBIENTE.....

Fotos y Texto: Jan Poets

BAUTISO ESPECTACULAR DI EDJEAN SEMELEER SU CD.. "HEY TA PASCO!"...



**** Ayera rond di e piscina di The Mill Resort, e popular joven cantante Edjean Semeleer a realiza bautiso di su CD "Hey Ta Pasco!". E acto di bautiso a ser realiza den forma enbibo pa Magic Fm cu Ruben "Scorpio" Garcia como maestro di ceremonia. E acto a tuma lugar den un forma hopi special y unico, den cual e team sincroniza di Baracuda a duna un espectacular show den e piscina y na final a sorprende un i tur sacando e**


CD for di piscina. Practicamente no tabata tin espacio pa pone mas hende rond di e piscina di The Mill Resor, cual a demonstra e gran popularidad cu Edjean Semeleer ta gozando cerca su ser querinan. E joya di e CD aki ta contene 10 precioso cancion cual e ultimo ta un tremendo Dande acompaña pa Grupo Di Betico. For di awe por haya e tremendo CD aki cumpra na 5830419 of 9933790..



**** Di e forma aki e bautiso a tuma lugar, madrinanan, Edwina Werleman y Maybeline Arends Croes, mientras e padrinnan tabata Hubert "Lio" Booi y Rosendo Aparecio kende porcierto ta abuelo di Edjean Semeleer...**




**** E crew di Magic Fm a realiza e acto di bautiso den forma enbibo. Porcierto cu e directora Erin Croes, ta participa cu un cancion riba e CD...**



**** Famia Semeleer sumamente contento despues di a haci hopi sacrificio pa realiza e soño di nan qeurido Edjean Semeleer pa produci e tremendo CD aki...**



**** E crew di Top 95 fm tambe tabata presente na e acto di bautiso...**



**** E artistanan di e team sincroniza di Baracuda, na final di nan show espectacular den e piscina di The Mill Resort tabata tin e honor pa presenta e CD..**



**** Oswali Lopez cu diahuebs a yega Aruba for di Orlando, Fla, tambe tabata presente. Porcierto cu Oswali Lopez tambe tin un tremendo produccion riba plaza..**